



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Theophili Bernardini E Societate Iesv De Religiosæ  
Perseverantiae Præsidiis Libri XI. ...**

**Bernardin, Théophile**

**Antverpiae, 1622**

3. Quis ad imitatione[m] diligendus.

[urn:nbn:de:hbz:466:1-47032](#)

diorationem propemodum exuisse, hereticos eos dixeris, qui cum philosophorum, Lacedæmoniorum, Romanorum dicta, facta, plenis buccis concerperint, nos à Sanctorum gestis revoluendis quasi vi & manu facta abducunt. Insaniant ipsi, vt lubet, nos cœptum pergitus, & in cumulum addimus, etiam glorioius esse vulgo solere, aliorum sanctitate illustrium vestigijs, electione statu peculiari, insister, eorumque exemplo nobilius aliquid audere, quam desidem, tritaque viuendi ratione contentum, vitam viuere, qualem ceteri hominum, nullo peculiari instituti deore distinctam: sed habent nihilominus hi quoque, & quos imitantur, & quo se infimis eximant; at nunc id non agimus.

Ceterum ex his quæ dicta sunt eluet, vnicuique qui sanctiorem Deoq; gratiorem vitam ducere decreuit, necessarium esse, vt libi virum aliquem sancti, & ad deteriora procliuore natura, & facile specie boni ad vera mala abducimus, & ægrè ad bonum contuendum oculos mentis aperimus, & denique cognitum, remissius, nisi aliunde incitemur, amplectimur, minimoque negotio ab omnino nostra in virtutem contentionem reuocamus: quibus incommidis omnibus, efficta in mente nostra viri sancti effigies, & adamata similitudo, ac præceteris suscepimus idem vitæ institutum, eorumdemque morum publica professio medetur. iam enim constat ea non mediocriter esse bona, quæ tantopere in viro illo sancto comprobauit Deus, viuumque & nos de calis respectans perfectionis exemplar emulacione succedit, ae amica increpatione cessantes instimulat; neque patitur suscepta vitæ ratio, vel ab eius imitatione aliquid discrepans, vel à moribus alienum, sed cogit quod profiteris, id explore.

## C A P V T III.

*Quis ad imitationem diligendus?*

**H**ac de re optimè mihi scripsisse visus est Cassianus l.4. cap.38. dum ait, Considerate de paucis & electis effectum: & ne exemplo ac tempore multitudinis refrigerescas: sed viue vt pauci, vt cum paucis inueniri merearis in regno Dei. Multi enim sunt vocati, pauci vero electi: & Pusillus grecus cui complacuit Patri dare hereditatem. Et Diuus Hieron. Cœpisse multorum est, ad culmen peruenisse paucorum. Rara est virtus, nec à pluribus appetitur: atque utinam hoc omnes essent, quod pauci sunt! Sed ad Cassianum redeamus, qui id ipsum altero post capite, longè optimè, & dilucidius asserit. Exempla tibi sunt, inquit, imitationis, ac vite perfectæ in congregazione commoranti, à paucis, imò ab uno, vel duobus, non à pluribus petenda. Nam præter id, quod examinata vita atque ad purum excoctare reperiatur in paucis, etiam istud ex hoc utilitatis

Nnn 2

Epist. 28.  
& contr.  
Vigil. c. 6.

accedit, quod ad perfectionem propositi huius, id est, cenobialis vita, diligentius quis  
vnius imbutitur ac formatur exemplo. Quibus verbis quamquam de alicuius qui in  
viuis degat imitatione differatur, id ipsum tamen de ea quam sum descripturus  
dici potest & debet.

Verum id fortè non immerito nonnemini dubitationem moueat, præter-  
ne, ex iis qui nobiscum vna degunt, an ab iis qui iam in viuis esse desire,  
viuendi exempla desumere? nec defunt utrique parti non levia, quibus af-  
firmetur, argumenta. Si enim virum aliquem bonum, quicum degas, imitan-  
dum elegeris, id commodi consequeris, quod longè acrius instigant animos  
ea quæ sui præsentia oculos feriunt, quamquam quæ cogitata, sola vimentis, ut præ-  
senta effinguntur: gestum etiam totum, habitumque, ac integrum conforma-  
tionem hominis contueris, quæneque satis explicari verbis potest, & ocul-  
tam quamdam vim, multa silentio edocendi possidet: eiusdem quoque vii,  
est amor incitator, sanctior frequentatio, commemoratio dulcior, conuictus  
carius, imitatio iucundior, & aspergendi spes maior: in eius etiam si quando  
congressum colloquiumque ventum fuerit, quantum addit incitationis via  
ipsa vox, & adspirata sanctitatis verba, quam gratum & ad plurima propè ne-  
cessarium, suæ mentis sensa proponere, dubitationes, fluctuationes, alterna-  
tes & varios animi motus illi viro committere, cuius responsus, non secus quam  
diuinis quibusdam oraculis, fidentius acquiescas?

Et ea quidem sic se habent, suntque animaduertenda singula, ut ex eorum  
quibuscum viuimus, frequentatione & consortio, utilitatem haurire possi-  
mus. At nihilominus, eorum qui iam in celis morte triumphata regnant, ac  
præ ceteris illius, qui ci quod tu lequeris vitæ instituto fuit auctor, imitatio-  
nem præferendam puto: absentiæque incommodum, multis alijs commodis  
abundè repensatur. Quamquam qui potest absens dici, cuius paterna semper  
cura suorum singulis inuigilat, qui eos de celis contuetur, à noxiis protegit, &  
beneficijs longè plurimis afficit? De eiusmodi ergo patroni & exemplaris, vel  
benevolentia, vel singulare sanctitate, vel eximia potestate, dubitare est nefas.  
restat ut actiones, & res omnes eius, ad extremum usque, & ad minutissima  
quaque, exactissime disquirentes, nihil inexploratum, & non undequeque  
pertinentatum prætermittamus: existimemus nihil abs eo, quamvis minuu-  
lum, non summa ratione perfectum, quam ubique scrutantes, si res ab eo præ-  
clarè gestas cognoverimus, ne putemus nobis hic esse sistendum, sed adhuc  
subtiliter est indaganda factorum causa, ratio, origo, modus, destinatio seu fi-  
nis, harmonia seu congruentia cum ceteris, conuenientia cum instituto vitæ: &  
eiusmodi complura, quæ ipsa rerum gestarum natura nos docebit.

Sed hæc à me Religiosis dicuntur, quos ego cuiuscumque sint Ordinis, eos  
existimo sui instituti auctores & fundatores esse nactos, qui ceteros eiusdem  
fami-

familia cūm sanctitate vitæ, tum excellentia gloria anteit. Nec enim  
vt in humanis inuentis, sic in institutis diuinis agitur : illorum auctores, la-  
borando, nitendo, expoliendo, paulatimque corrigo, & experiendo pro-  
ficiunt ; at verò Spiritus Dei sanctus, cuius opera perfecta sunt, qui scientiæ  
atque perfectionis, ubi voluerit, copiosus est donator, quem ad aliquod vitæ  
genus instituendum seligit, ita gratia, & scientia ad id conueniente, imo exu-  
berante (nec enim auarè, vel ad necessitatis limites angustatur) amplificè  
exornat, vt quicunque moribus & virtutibus eum propius expelleret, is in  
eius vitæ professione perfectior ; qui verò longius ab eo recesserit, is imper-  
fectior, & in eo vitæ genere minus probatus habeatur. Cū enim Religiose  
omnes familia, quedam sint vitæ instituta, quæ non humana ratione, vel in-  
genij subtilitate, aut naturæ propensione conseruantur, sed potius plurima illi  
aduersantia contineant, primaque sui origine ad sancti Spiritus benignam  
sapientiam, viro alicui sancto non obscurè demonstrata, referenda sint:  
consentaneum, imo necessarium fuit, vt tota eiusmodi instituti perfectio, in  
uno isto capite reperiatur, ne si quid eorum, quæ potissima sunt, mancuni fo-  
ret, esset id aliunde minus tutò petendum, & peregrino aliquo spiritu genui-  
nus laderetur. Plus etiam dicam, quamquam nemini, vt id credat, velim per-  
tinaciùs obtrudere. Tanti existimo eos esse faciendo, vt putem, quando per  
eos Deus, omnes istius instituti ceteros ad se vocavit, totam etiam istius Or-  
dinis gratiam, ita excellenter auctori esse collatam, vt illa distribuatur qui-  
dem in posteros, at longè inferiori gradu & copia; mihique persuadeo unum  
illum, exempli gratia D. Benedictum, Franciscum, Dominicum, Ignatium,  
sanctitate, & gloriæ cœlesti, non tantum eidem Ordinis singulis, sed vniuer-  
sis etiam simul sumtis eminere : & quamvis Xauerios, Laynios, Fabros, Bor-  
gias, Gonzagas, Barzæos, aliosque quām plutimos habeamus, quantos, bo-  
ne Deus, qualesque viros! in uno tamen Ignatio, plus quām in viuentera om-  
nium eorum collectione, quide Societate, vel fuerunt vel erunt, plus inquam  
donorum diuinorum abundare credo. Quæ opinatio, et si nonnullis noua  
forçè sit futura, nihil tamen aduersum Ecclesiastice doctrinæ continet, ni-  
hil Sanctorum reliquis, qui institutoris sui gloriæ fauent vnicè, propterea  
derrahit: quin etiam, quanta verè de B. Virginis gloria dicantur cogitanti,  
cuius tamen in vulgus paucæ admodum celebrantur actiones, non erit dif-  
ficile conjectura consequi, quomodo diuina gratiæ copiosioris & præcel-  
lentioris affluentia, possit vir unus, adò multorum, vel æquare, vel supe-  
rare beatitatem. Interim, qui hoc in animum inducit suum, amorem, reue-  
rentiam, spem, fiduciamque, non mediocriter in illum augeat necesse est,  
quem tanta gloriæ quasi infinitate coruscantem, tanta Dei vicinia, bonitatis  
& potestatis diuinae copiosè participem, suis omnibus, vt benignissimum pa-  
rentem

rentem præsidere, prouidere, deque cœlis placidissimè contueri crediderunt. Sed & hinc probatum certumque relinqueremus, eius omnino viri imitationem, quorumuis aliorum imitationi præferendam. Singulare planè, & quod nonnulli in paucos eat priuilegium: rari enim sunt vera Religionum capita, & primigenij fontes, plures sunt reparatores, & primi decoris restitutores, de quibus ut perinde sentiamus nulla nos ratio cogit, cum quidquid eximij operem gerint, è primi tamen institutoris radice & spiritu pullulet, ipsaque sic reparata familia, à primo semper Parre vegetetur: nec verò nouum est ut ramus tenerior, grandiore se fructum, at non nisi succo à radice hausto proferat, nudoque tenuiore latior lacus prodeat, perpetuo tamen fonte nouis iugiter aquas perennante.

Atramen id nolim sic accipi, quasi non foret aliorum imitatione probanda: periuntur enim in eodem vita instituto, aliqui adeò præ vulgo eximij, & multifaria perfectione instructi, quales S. Maurus, Antonius de Padua, Vincentius, Xauerius, & alij plurimi existitere, quos æmulari interdum decet; ac nonnumquam, vel perfimili naturæ instinctu, vel diuiniore ad id agente impulsu, ratione aliquem certum referendum ardenter nonnulli; quia cum aliquam quasi pulcherrimam honesti formam animo hauiserint, eamq; ex alicuius præclarè facta sibi expresserint, eò vires omnes & corporis & animi conferunt, ut quoquo modo in eam se transformare, eiisque valeant se quam simillimos reddere. Ita in profanis Themistoclem Miltiadis, Iulium Cæsarem Alexandri gloria excitauit: nec est cur in vita sanctioris proposito, non possimus ijsdem quoque motibus concitari, & ijsdem, si occurserint, propensionibus piè obsequi, & re ipsa B. Xavérium Galpar Barzæus, Beatum Gonzagam Ioannes Bercman, videntur pressisse.

Atque hæc fermè de ijs qui ad beatiorem vitam ex hac misera euoluntur. At neque imitatione indigni censendi sunt, qui nobiscum etiamnum in terris degunt, si modò illustriore virtute decorantur: nam & ipsi illi, qui in cœlis regant Sancti, fuere in viuis aliquando numerati, at quam rarum est, ut eiusmodi, vel reperiantur aliqui, vel agnoscantur! In ijs igitur quos passim viros bonos agnoscimus, & quibus conuiuimus, existimo moderatione vtendum, quam mox addo, sed proximo capite, quoniam breviores & frequentiores distinctiones multis placere video: nec possum tamen fugere quin in eo quod iam dicendum est diutius inhæream.

C h

